

SULAIIKA CROES REINA INFANTIL DI TUMBA 1992



ORANJESTAD(AAN):E tabata e cantante di mas chiquito den estatuta y despues di a scucha e prome seis cantantenan, por a conclui mes ora cu esun mas fuerte entre nan lo tabata Sulaika Croes, cantante nr.7, pero di cerca sigui tambe pa Irina Croes y Joselito Giron cu a canta prome cune.

Despues di Sulaika, entre e 12 infantilnan pa titulo di tumba infantil di e aña aki, a brilla Joselito Geerman y Lisandra Lampe den e ultimo seisanan.

Pa ora cu e ultimo cantante infantil Gabriela Helder a presenta su tumba "Ban Zoya Dushi" por a conclui caba cu Sulaika Croes, cu su

tumba "Dunele tur apoyo" lo ta e tumba pa gana e aña.

Maestro di ceremonia a lesa nomber di net e 5 cantantenan cu den infantilnan en verdad tabata esnan cu a sobresali mas tanto cu nan tumba, pero no por kita afo tampoco cu tur 12 tabata participantenan bon prepara, cu tumbanan di bon nivel y excelentemente presenta.

Irina Croes cu su tumba **Ku mi kitrin** componi pa Betico Petrochi y aregla pa Johnny Croes y Victor Camacho a termina na di 5 lugar.

Joselito Geerman cu su tumba **Bo mester anime** a sali na di cuater lugar. E tumba tabata componi y aregla pa Martin Quandus.

Na di tres lugar a termina **Lisandra Lampe** cu en verdad a duna un presentacion fuerte cu su "Biba Carnaval", componi pa Jossy Herrera y aregla pa Michael odor.

Joselito Giron cu a presenta como un ganador veterano, sigur di su mes, a bin resulta na di dos lugar merecidamente cu su tumba **Bon bini carnaval**, componi pa Jose Giron y aregla pa Robert Jeandor.

E reina infantil di tumba a bin resulta **Sulaika Croes** cu composicion di Eric Rincones y aregla pa Federico Martis. Un decision di jurado cu verdaderamente a cay na agrado di amantenan di tumba.

MARIETY WERLEMAN ATROBE TUMBERITA

Defendiendo su corona cu exito



ORANJESTAD(AAN):--- Den e 12 cantantenan juvenil pa titulo di rey of reina di tumba juvenil, no por a bisa mes ora kende lo bay gana e titulo e aña aki, aunke cu por a spera cu Marjethy Werleman tabata tin mihor posibilidad di ripiti como reina di tumba juvenil.

Tabata tin cantantenan cu a duna competencia fuerte, manera Gregory Giel, Vivienne Rivandeneira, James Sneek, Jelitza Croes, Kiskey Montero y Julisa Hoevertsz.

Por a spera e nombrenan ey den e cinco finalistanan pero cual lo por a sali, a keda un decision verdadero di jurado e biaha aki debi na e competencia y nivel.

Esnan cu no a cay den clasificacion, manera Mirian Contreras, Jessica Anthony, Sonia Lopez, Arienne Vrolijk, Kiskey mes, y Karina Delaney, siguramente no tabata debil. Cualquier di nan por a cay den finalista, y ta solamente suficiente punto nan no a logra.

Locual si tur hende tabata di opinion ta cu Aruba a haya ayera 24 joya di tumba di carnaval di e jovencito y jovencitanan cu a competi den e dos concursionan.

E prome cantante cu a lanta publico di e juvenilnan a resulta Gregory Giel cu su Chubato di Carnaval componi pa e mes y aregla pa Victor Thode. El a termina na di cinco lugar.

Vivienne Rivandeneira cu su **Fantasia di Carnaval**, componi y aregla pa Lucio Rivandeneira, tambe a resulta fuerte competencia pa Gregory y a termina na di 3 lugar.

Marjethy Werleman manera un verdadera reina di tumba a dal aden cu su "Dun dun dun ahe" componi pa Casin Giel y aregla pa Robert Jeandor, y aki e competencia a sinta pa e otro nan, te cu Marjethy a bin termina como ganadora di e festival.

James Sneek cu tur aña ta sacudi e finalistanan, a haci mescos e aña aki y a presenta manera un ganador veterano. Cu su tumba "Zwaa bo man" links, rechts, ariba y abao, pazuid y panort, el a capta publico atrobe y termina na di dos lugar cu e composicion di Everick Rincones y aregla pa Martin Quandus..

Jelitza Croes cu su **Ole ola carnaval** a yega tambe a sagudi e publico. El a terminana di 4 lugar cu e composicion di Chinto Croes y aregla pa Efi Thiel.

E cantante cu a ser considerada como un fuerte manera pa finalista pero no a cay den e 5 nan tabata Kiskey Montero cu "Sonido di parkati" y e ultimo cantante di e grupo Julisa Hoevertsz cu "Pluma y blaas ariba" cu tambe a presenta excelente pero no a logra suficiente puntuacion pa ta finalista.



VALENTINE
10 % - 20 %
DISCOUNT

*For your wide selection of the finest
Jewelry & Watches in Aruba*

14kt. and 18kt. Gold crafted Jewelry. Loose precious stones.
Exclusive distributor of Longines Watches.
Specializing in the making and repairing of Gold Jewelry.